

## 《印光大師文鈔選讀》 補充講表

◎附表十：

※現前一念，緣生無性，無性緣生。

○緣生：緣含攝因之故，緣生即因緣所生法，所謂一切法本來無生，但由因緣聚會，而顯現諸法。

○無性：以性（自性）乃本具，更三世而不易，不是由因緣聚會而生的。故無性是說明因緣所生法，

但有相而無性也。即是一切法乃為因緣和合而顯現之假相，如幻如化，如空中花，如水中月，絕非實物。

《靈峰宗論》卷第二之四云：「蓋現前一念之心，無性緣生，緣生無性者也。惟其無性緣生，故念名，

滿腔是名；念利，滿腔是利。乃至晝所為，夜所夢，無不趨歸於一念之專注，而十界昇沈從此出矣。惟其緣生無性，故熾然造集善惡之時，驀地放下，則一切法了不可得。」

《靈峰宗論》云：「諸法無性，盡隨心（內心的迷悟）轉。心為名利，一切趨名利；心為菩提，一切趨菩提。」

又云：「一念迷，生死浩然；一念悟，輪迴頓息。」

※果得一念純熟，則臨命終時，唯此一念，更無異念。

《佛說阿彌陀經要解》云：「問：十念、一念並得生，何須七日？答：若無平時七日功夫，安有臨終十念、一念？縱下下品逆惡之人，並是夙因成熟，故感臨終遇善友，聞便信願。此事萬中無一，豈可僥倖。」

※臨終在定之心，即淨土受生之心。

《淨土生無生論》云：「若人臨終時，能不失正念，或見光見華，已受寶池生。……所以爾者，蓋西方極樂世界，乃吾心之一土耳；娑婆世界，亦吾心之一土耳。約土而言，有十萬億彼此之異；約心而現，原無遠近。」

《佛說阿彌陀經要解》云：「問：今發願但可云當生，何名今生？答：此亦二義。一、約一期名今，現生發願持名，臨終定生淨土。二、約剎那名今，一念相應一念生，念念相應念念生。妙因妙果，不離一心，如稱兩頭，低昂時等。何俟娑婆報盡，方育珍池。只今信願持名，蓮萼光榮，金台影現，便非娑婆界內人矣。」

《成唯識論觀心法要》云：「稱之兩頭，以喻因果。稱之低昂，以喻生滅。低昂時等，以喻生滅同一剎那，無有前後也。」

※正當糾纏時，但能不隨所轉，則即糾纏便是擺脫。

《佛遺教經》云：「若有不忘记者，諸煩惱賊則不能入，是故汝等，常當攝念在心。若失念者，則失諸功德。若念力堅強，雖入五欲賊中，不為所害；譬如著鎧入陣，則無所畏。」

※學道之人，必須素位而行，盡己之分。

《中庸》云：「君子素其位而行，不願乎其外：素富貴，行乎富貴；素貧賤，行乎貧賤；素夷狄，行

乎夷狄；素患難，行乎患難。」

《中庸直指》云：「以其道在心，而備在我。就當在我平素所處之地位，率性而行，不可妄有一念外慕別求之心。」

※一心無住，萬境俱閒，六塵不惡，還同正覺者。

僧璨大師《信心銘》云：「欲取一乘，勿惡六塵，六塵不惡，還同正覺。」

《圓覺經》普賢菩薩章云：「一切菩薩及末世眾生，應當遠離一切幻化虛妄境界，由堅執持遠離心故。

心如幻者，亦復遠離。遠離為幻，亦復遠離。離遠離幻，亦復遠離。得無所離，即除諸幻。……知幻即離，不作方便。離幻即覺，亦無漸次。」

\*離境、離心、遣離、遣遣。離、遣皆是所謂不著也。

一心無住，萬境俱閒：知幻即離。

六塵不惡，還同正覺：離幻即覺。